

17. gr.

Úrskurðir áfrýjunarnefndar skulu færðir í gerðabók eða varðveittir með öðrum tryggu hætti.

Áfrýjunarnefnd getur leiðrétt augljósar villur í úrskurði.

18. gr.

Staðfest endurrit úrskurðar skal senda í ábyrgðarbréfi til aðila, m.a. Einkaleyfastofu, eða umboðsmanna þeirra, svo og iðnaðarráðuneytis. Einkaleyfastofan skal gera nauðsynlegar ráðstafanir í samræmi við úrskurðinn. Úrskurðurinn skal vera aðgengilegur hjá Einkaleyfastofunni, m.a. á heimasíðu stofunnar svo fljótt sem auðið er. Birta skal ágríp af honum í ELS-tíðindum sem stofan gefur út.

Lokaákvæði.

19. gr.

Ákvæði reglugerðar þessarar eiga við um einkaleyfisumsóknir sem hafa ekki verið gerðar öllum aðgengilegar að svo miklu leyti sem það samrýmist ákvæðum um slíkar umsóknir.

20. gr.

Reglugerð þessi er sett með stoð í 69. gr., sbr. 7., 24., 25., 41. og 67. gr., laga nr. 17/1991, um einkaleyfi, með síðari breytingum, 63. gr., sbr. 61. gr., laga nr. 45/1997, um vörumerki, með síðari breytingum, og 30. gr., sbr. 13. gr., laga nr. 48/1993, um hönnunarvernd, og öðlast þegar gildi.

Iðnaðarráðuneytinu, 18. janúar 2000.

Valgerður Sverrisdóttir.

Jón Ögmundur Þormóðsson.

SAMÞYKKT**um búfjárhald í Garðabæ.**

1. gr.

Markmið bæjarstjórnar Garðabæjar með samþykkt þessari er að tryggja sem best skipulag, stjórn og eftirlit með búfjárhaldi í Garðabæ, með ákvæðum um vörsluskyldu og ábyrgð allra búfjáreigenda.

Umhverfismálanefnd og garðyrkjudeild fara með eftirlit með framkvæmd samþykktainnar fyrir hönd bæjarstjórnar.

2. gr.

Búfjárhald (alifugla, geita, hrossa, kanína, loðdýra, nautgripa, sauðfjár og svína) er óheimilt í lögsagnarumdæmi Garðabæjar að öðru leyti en hér greinir á eftir.

3. gr.

Sauðfjárhald í Garðabæ er einungis heimilt ábúendum lögbýla.

Bæjarstjórn er heimilt að takmarka sauðfjárfjölda, bæði einstakra tegunda og fjölda sauðfjár einstakra eigenda. Hámarksfjöldi sauðfjár á hverju lögbýli er 10 vetrarfóðraðar kindur.

Full vörsluskylda og ábyrgð er á höndum ábúenda og er viðkomandi skylt að halda sauðfé sínu í vel afgirtum hólfum þegar það er í heimalöndum.

Bæjarstjórn getur veitt einstaklingum leyfi til að halda sauðfé enda uppfylli þeir eftirtalin skilyrði:

- a) Að húsakostur sé fullnægjandi og hafi hlotið tilskilið leyfi byggingar- og skipulagsyfirvalda.
- b) Að hámarksfjöldi sauðfjár takmarkist við 10 vetrarfóðraðar kindur.
- c) Að vörsluskylda sé allt árið og sauðfjárhaldið að öllu leyti á ábyrgð eiganda sauðfjárins.

4. gr.

Hrossahald er einungis leyft í skipulögðum hesthúsa hverfum sem hafa hlotið samþykki bæjarstjórnar og viðkomandi nefnda. Eigendur skulu framfylgja reglum sem hestamannafélag í Garðabæ setja og bæjarstjórn samþykkir. Hrossafjöldi fer eftir skipulagi hesthúsa hverfa.

Ábúendum jarða í Garðahverfi er þó heimilt að halda allt að þremur hrossum á hverju lögbylí.

Vörsluskylda er allt árið og er hrossahald að öllu leyti á ábyrgð eigenda hrossanna.

5. gr.

Bæjarstjórn getur veitt undanþágu til að halda annað búfé en sauðfé og hross að fenginni umsögn umhverfismálanefndar. Leyfi er veitt til eins árs í senn og er gildistími frá 1. september ár hvert. Vörsluskylda er allt árið og ber eigandi að öllu leyti ábyrgð á búfé sínu.

6. gr.

Lausaganga hrossa, nautgripa, sauðfjár og annars búfjár er óheimil í Garðabæ án leyfis bæjarstjórnar og í þeim hluta sameiginlegs afréttar Garðabæjar og Bessastaðahrepps sem er vestan vörslugirðingar og Kleifarvatns. Upprekstur hrossa í afréttinn er bannaður.

Sauðfé skal flytja til sumarbeitar í beitarhólf í Krísuvík, sem er fyrir sauðfé frá Hafnarfirði, Garðabæ og Bessastaðahreppi, samanber samning sveitarfélaganna þriggja og Landgræðslu ríkisins, dags. 22. mars 1999.

Bæjarstjórn er heimilt að innheimta uppgræðslugjald vegna beitarhólfs fyrir hverja vetrarfóðraða kind.

7. gr.

Fylgi búfjáreigandi ekki settum reglum um aðbúnað og meðferð búfjárins má svipta hann forræði þess að undangenginni aðvörun. Hvern þann búfénað sem sleppur úr vörslu skal taka hvar sem til hans næst og færa í örugga vörslu, sem búfjárefirtirlitsmaður sér um. Eiganda skal tilkynnt um gripa sína, eftir því sem unnt er og gert að sækja þá og greiða sekt og áfallinn kostnað, s.s. vegna tjóns sem gripirnir hafa valdið og kostnað við hand-sömun þeirra. Ef eigandi hefur ekki hirt um að sækja gripa eða greiða áfallinn kostnað innan 7 daga, er heimilt að svipta viðkomandi búfjáreiganda rétti til búfjárhalds í Garðabæ.

Við ítrekað brot á þessum reglum missir búfjáreigandi rétt til búfjárhalds og verður gripum jafnframt ráðstafað í samræmi við 11. gr. laga nr. 46/1991 um búfjárhald, forðagæslu o.fl., með síðari breytingum.

8. gr.

Til að framfylgja þessari samþykkt Garðabæjar og lögum nr. 46/1991 um búfjárhald, forðagæslu o.fl., með síðari breytingum, skal ráða búfjárefirtirlitsmann sem annast eftirlit

með ásetningi búfjár, fóðrun, hirðu og vörslu bæjarlandsins. Hann skal handsama og skrá lausagöngufénað.

Auk forðagæslu og vörslu lands skal búfjäreftirlitsmaður halda skrá um búfjáreigendur og fjölda búfjár af einstökum tegundum. Hann skal starfa á vegum garðyrkjudeildar Garðabæjar.

9. gr.

Brot gegn samþykkt þessari varða sektum eða fangelsi, ef miklar sakir eru. Með mál vegna brota á reglugerð þessari skal farið að hætti opinberra mála, sbr. 13. gr. laga nr. 46/1991 um búfjárhald, forðagæslu o.fl., með síðari breytingum.

10. gr.

Samþykkt þessi, sem bæjarstjórn Garðabæjar hefur samþykkt, með heimild í lögum nr. 46/1991 um búfjárhald, forðagæslu o.fl., staðfestist hér með og öðlast þegar gildi.

Jafnframt fellur úr gildi reglugerð nr. 498 frá 11. júlí 1983 um búfjárhald í Garðabæ.

Landbúnaðarráðuneytinu, 13. janúar 2000.

Guðni Ágústsson.

Ingibjörg Ólöf Vilhjálmsdóttir.

GJALDSKRÁ

**fyrir heilbrigðis- og mengunarvarnaeftirlit í Bessastaðahreppi,
Garðabæ, Hafnarfirði og Kópavogi.**

1. gr.

Af starfsemi sem háð er starfsleyfi eða eftirliti Heilbrigðiseftirlits Hafnarfjarðar- og Kópavogssvæðis, samkvæmt lögum nr. 7/1998 um hollustuhætti og mengunarvarnir, með síðari breytingum og reglugerðum settum með stoð í þeim, er aðildarsveitarfélögunum heimilt að innheimta gjöld samkvæmt gjaldskrá þessari.

2. gr.

Tímagjald kr. 4.600

Gjald vegna rannsóknar pr. sýni skv. eftirlitsáætlun kr. 3.900

Af eftirlitsskyldri starfsemi er aðildarsveitarfélögunum heimilt að innheimta árlegt gjald af starfsemi eins og fram kemur á fylgiskjali, viðauka A, með gjaldskrá þessari, enda fari fram reglubundið eftirlit með starfseminni, skv. eftirlitsáætlun.

Heilbrigðisnefnd er heimilt að breyta eftirlitsáætlun hjá einstaka fyrirtæki verði eftirlit frábrugðið samþykktri áætlun.

Ef einungis hluti margþætts eftirlits með starfsemi fer fram, er heimilt að lækka eftirlitsgjald, sem því nemur.

3. gr.

Af starfsleyfisskyldri starfsemi, er aðildarsveitarfélögunum heimilt að innheimta gjald fyrir starfsleyfi eins og hér segir: